



Broj: 07-04-01-05-13556-1/18
Sarajevo, 26.04.2018. godine

SKUPŠTINA KANTONA SARAJEVO

- o v d j e -

Predmet: Odgovor na zastupničko pitanje Zastupnice Mersihe Mehmedagić, postavljeno Ministarstvu privrede na 40. Radnoj sjednici Skupštine Kantona Sarajevo dana 04.04.2018. godine

U skladu sa dostavljenim Odgovorima, br.: 07-04-01-05-9791-1/17 od 12.04.2017. godine i 07-04-01-05-28024-1/17 od 31.10.2017. godine, te u skladu sa članom 219. stav (2) Poslovnika Skupštine Kantona Sarajevo - Drugi novi prečišćeni tekst ("Službene novine Kantona Sarajevo", br. 15/13,47/13,47/15 i 48/16), iako pitanje zahtjeva šire elaboriranje, dostavljamo Vam odgovor na Vaše pitanje.

U prethodno navedenim odgovorima na Vaša pitanja o provedenim Programima poticaja razvoja male privrede za 2016. godinu smo istakli da je veći dio utvrđenih programa bio namjenjen stvaranju konkurentnog, inovativnog, zdravog i osposobljenog preduzetništva za uredno obavljanje registrovane djelatnosti i održiv ekonomski status privrednih subjekata. U okviru Programa obrazovanje u preduzetništvu, namjenjenog kao podrška razvoju startup kompanija, u prvoj fazi je izvršen odabir mladih poduzetnika i startup kompanija, te izvršena selekcija polaznika obuke. U drugoj fazi je vršena obuka i obavljeno je 20 treninga odabranih polaznika u IKT tehnologijama, a u trećoj fazi je došlo do povezivanja najboljih startupa sa poslodavcima i započet je proces registracije novih 5 startup kompanija i jedne freelance firme koja zapošljava mlade developere i volontere/pripravnike koji su prošli proces obuke i treninga. Na osnovu prvih izvršenih monitoringa urađenih od strane BBI Banke u privrednim subjektima koji su korisnici finansiranja sa subvencioniranom kamatnom stopom za 2016. godinu uposleno je novih 177 radnika. Tačan broj uposlenih po ovom Programu možemo dostaviti po završetku investicionog ciklusa (koji traje od 3 do 5 godina) i nakon provedenog završnog monitoringa krajnjih korisnika kredita, kada svi privredni subjekti imaju obavezu dostaviti potvrde Porezne uprave o ukupnom broju zaposlenih što je jedino mjerodavno za decidan odgovor na Vaše pitanje. U 2017. godini provedeni su sljedeći Programi poticaja razvoja male privrede: Kreditiranje subjekata male privrede pod povoljnijim uslovima; Subvencioniranje kamata po preuzetom kreditu; Unaprjeđenje institucijske preduzetničke infrastrukture; Podrška u primjeni tehničkih normi i standarda kvalitete; Unaprjeđenje rada udruženja obrtnika; Poticaj novoosnovanim – start up subjektima male privrede; Poticaj razvoja ženskog preduzetništva, Poticaj za unaprjeđenje IT preduzetništva i Poticaj za istraživanje, razvoj i primjena savremenih tehnologija i inovacija u upravljanju otpadom kao energentom. Novoosnovanim – start up subjektima male privrede u 2017. godini bile je omogućeno subvencioniranje troškova nastalih u fazi pokretanja privredne aktivnosti, za nabavu opreme, alata, uređenje (građevinski i radovi unutrašnjeg uređenja) i zakup poslovnog prostora, izradu poslovnog plana i konsultantske usluge, a u okviru institucionalne podrške u saradnji sa PKKS otvoreno je Centar za preduzetništvu u okviru kojeg je planirano održavanje obuka i edukacija o preduzetništvu.

S poštovanjem,



Dostaviti:

1. Naslovu
2. Vlada Kantona Sarajevo
3. Evidencija





12-04-2018
MEKIC 2586

Bmo

Domr

13.04.18

Broj: 01-05-13556/18
Sarajevo, 06.04.2018.godine

MINISTARSTVO PRIVREDE
n/r ministra

Zastupnica Mersiha Mehmedagić, na 40. Radnoj sjednici Skupštine Kantona Sarajevo, održanoj dana 04.04.2018.godine u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo postavila je **zastupničko pitanje**:

- Molim Ministarstvo privrede da mi dostavi izvještaj o realizaciji sredstava po programu „Poticaj razvoju male privrede“ za 2016. i 2017. godinu te broj novootvorenih radnih mjesta finansiranih navedenim sredstvima po svakom korisniku programa.
- Također tražim od Ministarstva da mi odgovori na koji način pomaže korisnike sredstava koji prvi put pokreću biznis za vrijeme poticajnog ciklusa, ali i nakon okončanja poticajnog ciklusa. Ukoliko ne postoji takav vid podrške, tražim od Ministarstva da mi odgovori na koji način planira osigurati institucionalnu podršku kako bi start-up firme uspješno zaživile.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovníka Skupštine Kantona Sarajevo („Službene novine Kantona Sarajevo“ broj 41/12 - Drugi novi prečišćeni tekst, 15/13 i 47/13, 47/15, 48/16) odgovore, u pisanom obliku, uputite predsjedavajućoj Skupštine Kantona Sarajevo kako bi iste dostavili zastupnici Mehmedagić, kao i ostalim zastupnicima Skupštine.

Prilog: Zastupničko pitanje Mersihe Mehmedagić

CO:
-sekretar SKS
-sekretar Vlade Kantona



PREDSJEDATEL
SKUPŠTINE KANTONA SARAJEVO

Prof. Ana Bab



BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO

MINISTARSTVO PRIVREDE

ZASTUPNIČKO PITANJE:

Molim Ministarstvo privrede da mi dostavi izvještaj o realizaciji sredstava po programu „Poticaj razvoju male privrede“ za 2016. i 2017. godinu te broj novootvorenih radnih mjesta finansiranih navedenim sredstvima po svakom korisniku programa.

Također tražim od Ministarstva da mi odgovori na koji način pomaže korisnike sredstava koji prvi put pokreću biznis za vrijeme poticajnog ciklusa, ali i nakon okončanja poticajnog ciklusa. Ukoliko ne postoji takav vid podrške, tražim od Ministarstva da mi odgovori na koji način planira osigurati institucionalnu podršku kako bi start-up firme uspješno zaživile.

OBRAZLOŽENJE:

U cilju analize efekata navedenog programa na smanjenje nezaposlenosti u Kantonu Sarajevo, te uvjeta dostupnosti sredstava mladim ljudima koji pokreću vlastiti biznis, u više navrata sam tražila podatke o realizaciji Programa za 2016.godinu. Dosadašnji podaci ukazuju na slabu zastupljenost start-up preduzeća u raspodjeli sredstava po ovom Programu.

Kako nisam dobila kompletnu informaciju za 2016.godinu, tražim od Ministarstva da mi istu dostavi, dopuni izvještajem za 2017. i prezentuje mjere institucionalne podrške start-up preduzećima.

Sarajevo, 04.04.2018.godine


Mersiha Mehmedagić